

CUREISMA



Uss ei il temps da grazia,
uss ei il temps favoreivel.
Seconverta e crei agl evangeli.
Carstgaun, ti eis puorla e daventas
puspei puorla.

Sco mintg'onn udin nus puspei ils medems plaids la mesjamna dalla tschendra all'entschatta dil temps da Cureisma.

Eis ei per nus adina puspei il medem? Eis ei per nus mo repetiziun da quei che nus savein gia dapi liung temps? Tgei muntada ha la Cureisma per TEI, per MEI, per NUS?

CUREISMA munta nova entschatta.

CUREISMA ei in temps da ponderaziun, d'oraziun, da veta sils fastitgs da Jesus Cristus che di: Quel che careza mei, tegn mias ordras e suonda mei.

CUREISMA ei in temps da preparaziun per la festività dils misteris dalla mort e levada da nies Salvader Jesus Cristus.

LA CUREISMA digl onn 2009 vul era sensibilisar nus per nos concarstgauns sigl entir mund. L'instituziun Unfrenda da CUREISMA e PAUN PER TUTS han formulau il patratg per quei temps sut il tetel:

Weil das Recht auf Nahrung ein gutes Klima braucht.

Impuls tier quei tema vegnan deponi odem baselgia e stattan a vossa disposiziun.

L'unfrenda da Cureisma ei ina collecta che stat a disposiziun per biars projects en Svizra ed ellas tiaras dil tierz mund. Quei sachet, cun igl enconuschent signet da parter, fa endamen nies agid a quels che drovan nies sustegn. Nus engraziein a tuts donnatur per il sustegn.



Voss'unfrenda vegn rimnada:

A Falera la dumengia da Palmas.

A Laax il venderdis sogn durant la liturgia da suentermiezdi.

Informaziuns per Laax

Communiun dils malsauns: Mesjamna, ils 18-03-09
suentermiezdi

Gratulaziun:

Ils 2 da mars festivescha Jakob Stoffel-Coray siu anniversari dad 80 onns. Nus gratulein da cor a nies parochian, giavischein buna sanadad, benedicziun da Diu ed in ventireivel di da fiasta.



Invit als seniors.

Mintg'onn havein nus la caschun da retscheiver il sogn sacrament dall'uncziun duront in survetsch divin. Tuts parochians che sentan maldispostadads da malsogna e vegliadetgna ein envidai e duein retscheiver quei sogn segn che Dieus porscha al carstgaun che sefida dalla forza e la grazia da Diu. La sontga Messa cun **uncziun ei gievgia, ils 12 da mars allas 14.00h en baselgia.** Suenter la liturgia ein tuts envidai ella Sentupada tier in puschegn. All'Uniun da dunnas bien engraziament per quei refrestg.

Oraziun mundiala 2009

Igl εμπrem venderdis dil meins da mars ei dapi entgins onns il di d'oraziun mundiala. Nus integrein l'oraziun mundiala ella sontga Messa. Il plan liturgic dat sclariment sur dil termin pervius.

Vendita da rosas ils 14 da mars a Laax (Falera mira speras) avon la stizun dil Volg. 150'000 Rosen für das Recht auf Nahrung. Cun mintga rosa lein nus dar in sustegn a quels concarstgauns che han buca avunda da magliar. Nies mund porscha avunda (beins) per nutrir tuts. Nus stuein mo reparter endretg nos beins. Nossa contribuziun ei in segn da solidaritad. Engraziel a tuts per il sustegn.

Concert Stabat Mater Bündner Vokalensamble en baselgia parochiala dumengia, ils 22 da mars allas 17.00h

Invit all'oraziun e cant da Laudes.

Mintga mardis el temps da Cureisma cantein nus las Laudes, in cant ed in'oraziun digl uffici dalla baselgia. Cordial beinvegni a tuts e tuttas allas 06.30h en baselgia parochiala da Laax. **L'emprema gada, mardis, ils 3 da mars.**

Informaziuns per Falera

Communiun dils malsauns: Venderdis, 06-03-09 **suentermiezdi**
Gievgia, 26-03-09 **suentermiezdi**

Nus cartein ella preschientscha da Diu en nossa veta.

El sacrament dall'uncziun regala Dieus al carstgaun rinforz per dis da malsogna e maldispostadads. Nus envidein tuts parochians alla s. Messa nua che nus havein la caschun da retscheiver quei sogn rinforz da Diu. **Mesjamna, ils 11 da mars essas vus cordialmein envidai allas 13.30h en baselgia.**

Suenter la liturgia envida l'Uniun da dunnas ad in puschegn. Engraziel allas dunnas e beinvegni a tuts e tuttas da star in tec da cuminonza ella Fermata.

Acziun da rosas. La vendita da rosas ei in acziun che l'Unfrenda da Cureisma organisescha. Igl intent da quella purschida ei formulada sco suonda : **150'000 ROSEN für das Recht auf Nahrung. Die Rosen sind aus fairer Produktion. Das Max-Havelaar-Gütesiegel steht für Produkte, die gemäss sozialen und ökologischen Kriterien angebaut werden.**

Nus vendin las rosas sonda, ils 14 da mars avon la stizun dil Volg da Falera. Dieus paghi per vossa contribuziun.

Aduraziun 40 uras l'emprema dumengia da Cureisma

Suenter il survetsch divin dallas 10.15h vegn exponiu il Sontgissim sacrament. Lu ei aduraziun tenor ils suandont urari :

11.00h – 12.00h Francrengia/Plaunca/Chistiala/Scarsalius

12.00h – 13.00h Dual/Canal/Bigneraz/Manduns/Giaus

13.00h – 14.00h Fontauna/Stonas/Crapgries/Surjert/Erliong/

14.00h – 15.00h Bigliac/Gliendras/Paliu/Encarna

15.00h - Devoziun e reposiziun

Il chor da giuvenils Surselva ed il chor viril-baselgia, Falera envidan al concert, ils 28 da mars allas 20.15h en baselgia ss. Cor. Ils 29 da mars contan els allas 14.00h en baselgia dalla claustra a Glion.

Invit alla tschavera da suppa: Dumengia, ils 15 da mars ella Fermata suenter il survetsch divin dallas 10.15h. Vus haveis caschun da cumprar mèl d'avius dalla Caritas. Il recav dil di da suppa va all'unfrenda da Cureisma.